

rem genera; si vero eam negares, me absurdum judicares, adeoque nolo ultra dicere, antequam mihi occasio detur diffuse demonstrandi.

Petiisti a me pulchros flores; sed nescio quos velis. nullus dubito quin habeas me multo plures. Celosias Te habere non dubito; mitto aliquot, quas habui ex Indiis, et apud me floruerunt, in terra praegnanti, valde speciosae, si habeas me excuses quod miseram.

Figura 8. nuce 5loculari; non novi alios 5loculari semine quam Melia et Spondias, nec 4locularia praeterquam Varronia, Tetragonia; nec 3locularia praeter Rumphiam, Nitrariam, Proserpinacam, nec 2locularia praeterquam Cornus, Cordia, Gmelina, Citharexylum, Volkameria, Xanthium, Locusta, Cerinthe, Zizyphus, Ellisia, Lantana, Ehretia, Grevia paucaque alia.

Fig. 7. forte Avicennia. an in hac Spinae ramosae e panicula superstite.

Fig. 8. Araquolae characterem non possum conciliare cum figura.

Immenso desiderio flagro videndi D. Scopuli opus. Si poteris cures ut habeam dum prodierit.

Vale. Dabam Upsaliae 1760, d. 26. Februarii.

8.

Botanico eximio DD. Nicol. Jacquinio s. pl. d. Car.
Linnaeus.

Tuas 20. Februarii hodie accepi, ad quas hoc ipso die lactus respondeo.

Petiveriae Tuae semina non differunt a meis.

Triopteris viscosa fructu convenit, et reliquis petalorum defectu differt et staminibus octo, adeoque Dodonaea persistat.